

臺灣省文獻委員會 編

臺灣省通誌

卷一 土地志
勳物篇

衆文圖書公司印行

張炳楠 監修

陳兼善 原修

李汝和 主修

莊金德 整修

臺灣省通誌

臺灣省文獻委員會編

臺灣省通志

卷一
土地志(全一冊)
動物篇

監修 張炳楠

主修 李汝和

整修 莊金德

出版 臺灣省文獻委員會

臺中市南京路臺灣省政府干城辦公區
臺中電話：三八五五三・三八五五六

印刷 臺灣省政府印刷廠

臺中縣大里鄉中興路一段二八八號
臺中電話：二七一八三

中華民國六十一年十二月三十日

臺灣省通志卷一 土地志動物篇

第一章 緒論

第一節 早期之文獻記錄

有關本省動物之記載，在我國早期之文獻中，當以「隋書」爲最早；據該書東夷列傳「流求國傳」云：

「〔臺灣〕有熊、羆、豺狼；尤多豬、鷄；無牛、羊、驢、馬。」

其後，各種文獻，多作此同樣之記載，其文字雖有繁簡之別，然皆本自隋書「流求國傳」者，則甚爲明顯。

迨至元代，汪大淵「島夷誌略」

是書成於元至正九年
(公元一三四九年)

澎湖條，則記云：

「〔澎湖人〕煮海爲鹽，釀秫爲酒，採魚、蝦、螺、蛤以佐食，蒸牛糞以饗，魚膏爲油。……山羊之孳生，數萬爲羣，家以烙毛刻角爲記，晝夜不收，各遂其生育。」

又其「琉球」條記臺灣之特產云：

「地產……黃蠟、鹿、豹、麝皮。」

汪氏於其書之後序中曾自敘「不載傳聞之事」，是則該文所記皆彼身歷目擊之實錄也。

降至明代萬曆間，曾隨軍東征至臺灣之閩人陳第，於其所著之「東番記」

見載於「閩中，則海壇」內。

更有較詳之報導：

「（東番）……畜有貓、有狗、有豕、有鷄、無馬、驢、牛、羊、鵝、鴨。獸有虎、有熊、有豹、有鹿。鳥有雉、有鴉、有鳩、有雀。山最宜鹿，健儻俟俟，千百爲羣。人精用鏢；鏢竹棒、鐵鏢，長五尺有咫，銛甚；出入自隨，試鹿鹿斃，試虎虎斃。居常禁，不許私捕鹿。冬，鹿羣出，則約百十人即之，窮追既及，合圍衷之，鏢發命中，獲若丘陵，社社無不飽鹿者。取其餘肉，離而臘之；鹿舌、鹿鞭原註：鹿陽也。、鹿筋亦臘；鹿皮、鹿角委積充棟。鹿子善擾馴之，與人相狎。習駕嗜鹿，剖其腸中新咽草將糞未糞者，名百草膏，旨食之不厭。」

按：是記作於萬曆三十一年

公元一六〇三年

，爲目前發現有關本省之最早具體紀錄

張發之「東西洋考」雖爲同時之作，然無疑多係錄自是記。

所

記實不遜於現代人類學家之調查報告。蓋以文中所謂「人與事」者，莫不詳記而見述之也。然間亦有未審之處；如臺灣本有野牛、山馬，而文中言無之。

關於牛之記錄，荷據時期已屢見不鮮。陳小庄「外紀」云：「荷蘭時，南北設二路牛頭司，牧野生息，千百成羣。積千百成羣；欲取之，先置木城四面，一面爲門，驅之急，則皆入；入則閉門而執之；然後徐施繩約，牽之獨立，與家牛無異矣。」關於馬亦記有云：「馬小而力強，與於內地；內山有山馬。」

又臺灣本無虎，而文中言有之。凡此，或係作者戎帆倥傯，未及詳審所致也。

關於臺灣野生鹿之記載，在早期之中西文獻中，更是屢見不鮮。荷人甚至將臺灣產之大宗鹿皮，作爲對外貿易主要貨物之一。嗣因土著及外人之濫捕，恐有絕種之虞，乃加以限制。據荷蘭東印度公司「巴達維亞城日記」公元一六四五年三月十一日

明唐王陳武元年，清順治二年二月十四條云：

「因二十年來，每年捕獲五萬、七萬、乃至十萬頭，所以顯然減少；僅有少數空地尚有生存。

是故卡倫按即荷蘭臺灣長官君以為：倘不採用打臘二年，即停止一年，則將全滅。」據省文獻館印行中譯本第二冊頁四五

由此可見，早年本省產鹿之多。

以上所引，皆為清代以前之文獻；其對於本省產動物之記錄，究屬零星不全，未能窺其全貌。

對於本省動物作專項而有系統性之記載者，實始於清代初期康熙三十三年臺灣府知府高拱乾所纂輯之「臺灣府志」。其後，重修、續修之「府志」以及「諸羅縣志」、「鳳山縣志」、「臺灣縣志」乃至於「彰化縣志」、「淡水廳志」、「噶瑪蘭廳志」、「澎湖廳志」等，亦均闢有專篇記述；然各志所載，因體例關係，詳略不一，互有短長。約而言之，當以清末光緒二十一年公元一八九五年纂修之「臺灣通志」為最具備。茲摘數志所載者引錄於後，以見其梗概。

壹、「高志」所載之動物紀錄

據康熙三十三年公元一六九四年高拱乾纂輯之「臺灣府志」該志為清代官修志書之嚆矢卷七風土志土產篇中，記載有與

動物有關之資料，計有畜之屬、羽之屬、毛之屬、鱗之屬、介之屬及蟲之屬等六大類。茲引錄於左：

畜之屬

牛：深山中多野牛，教而馴習，可用以耕田、駕車；犬：產之番社者，能捕鹿，名田犬；如獫狁之類；猪、羊、猫、雞、鵝、鴨。

羽之屬

鵲鴝：人家畜之，能知往還。鵲鴝：水鳥，行則搖，飛則鳴。雉：野雞。烏鴉：有反哺之義。燕：秋去春來。鳩：能知陰晴。白鷺：一名屬玉。畫眉：善鳴好鬥，其聲清圓可聽。鷓鴣：端午斷舌，養之，能識人言。布穀：春作方殷，人以爲耕農之候。鳧：水鴨也。雀：一名生賓；謂栖宿人家如賓客也。鷦：水鳥。釣黑翁：嘗宿水道，伺魚而食之。伯勞：不孝鳥。鷲：一名倉庚，又名黃鸝。鷓：大如鷹，蒼黑色，善擊魚雁。鷹、烏鸛：俗呼烏秋；身黑、尾長，能搏鷹鷂。白頭翁：似雀而大，頭有白點，故名。海雞母：黑背、白翼，宿海中。竹雞、盧雞。

毛之屬

金錢豹：似豹而小。麋鹿：大白麋，小曰鹿。麀：似鹿而小，無角。麋：即麋。麇：似鹿而大。兕、猪母熊、猴、山猪、獺。

鱗之屬

海翁：極大，能吞舟。鯉、鯽、泥鰱魚：形類鰕鮫而大；無鱗，味甚甘。烏魚：其子晒乾，可羅嘉珍。鯊魚：大者百餘觔。鰻鮫：有黑、白二種，形闊而扁者佳。鮓魚、魴魚、海鰻：大者數觔。烏耳鰻：鯽仔潭最多。紅紗魚：皮紅。敏魚：口闊，內粗。烏頰、麻虱目：倏而大，倏而無，其味最佳。貼沙魚：身薄扁，行貼沙。金鐘仔、銀魚、龍鮎、鸚哥魚：嘴如鸚鵡，而皮綠色。油魚：一名泥黃。鰕魚、鰻魚：俗呼鰻鯪。鱸魚：有紅、黑二種。獅刀：形似大刀。

，味清，多骨。鰻魚、花鈴、金錢魚、斗尾魚、狗母魚、鐵甲魚：鱗硬如甲。鯢魚：形扁，尾長。鱸魚：大者如掌，皮粗，剝而晒乾，味佳。鱸魚、青鱗、飼子飯：無細骨，可和飯以飼幼子。繩魚：俗呼鮭魚。鮫魚：瀨口出者佳。鱸魚、鱸魚、梭魚、水尖、遍身苦、白腹、紅鰓、黃梔米：蝦小而色紅。大脚蝦、章魚、石拒：八足，在石夾中，或取之，能以石拒人。烏賊：八脚，一名墨魚；或曰：秦始皇東遊，棄墨袋於海所化；故口猶吐墨水。銷管：一名靜班。

介之屬

龜：生於池塘、埤圳之間甚多；海中又有一種，其大數尺。鼈：一名圓魚，一名甲魚。蟹：海中甲蟲也；雌常負雄，雖波濤不改。漁人每雙得之。蟹、蟬、牡蠣：麗海石而生，即蟻也；其殼燒則成灰。蚶、蛤、蚌：老者能含珠。空豸、紅栗、土杯：即紅蟻也。蟻、仙人掌：形似龜脚，生於海石夾縫處。大螺：其殼琢而磨之，可作鸚鵡杯。碑礫：其殼可磨作珠。紅螺、香螺、麥螺、珠螺、虎螺、海膽：殼圓，烏而多刺，似荔枝，可作杯。鮫鯉。

蟲之屬

沙蠶此海蟲也：形似蠶，而肚中有沙。水蛙、青約、水龜：有翼，色黑，俗呼龍虱。蜂：有數種；識君臣之義。螺贏：一名蠅蟬，似蜂，腰小而長；捷土作房，取桑置於空中祝之，七日即化為己子。蝶、蝙蝠：肉翅，晝伏夜飛，食蜜；一名伏翼，一名天鼠。蟬：以脇鳴；一種些小而好鳴秋，曰絡緯。蜻蜓：飲露，多集水上款飛。蛾：一名慕光；好撲燈火。蜉蝣：朝生暮死。螢：一名夜光，一名宵燭。蠅、螳螂：能捕蟬，又名天馬。螽斯螳螂：一生九十九子，俗呼草

馬。蟋蟀：一名莎雞，又名促織。螟蛉桑蟲；螺贏負以爲子。「詩」云：「螟蛉有子，螺贏負之」。蛇、蜈蚣、蠅虎、蜘蛛：大腹者，名蠨蛸；小而長脚者，又名喜子。蜥蜴：一名守宮，漢武帝午日取以丹砂和脂飼之，身畫赤；至次年五日搗之，以塗宮人。有私者，其迹即消；故名曰守宮。又有一種，名曰蠅蛭。蚤、蠹魚蠹也。古詩云：「芸葉枝香走蠹魚」。蟻、蚯蚓。以上「高志」所記，雖稍嫌簡略，惟在清代初期，疆土初闢，一切事物，均在草創階段，纂輯志書者對於自然界之知識，必畢竟有限，而能有如是之紀錄問世，已屬難得矣。

貳、「余志」所載之動物紀錄

嗣後，陳夢林纂修之「諸羅縣志」成稿於康熙五十六年，陳文達纂輯之「鳳山縣志」修於康熙五十八年，「臺灣縣志」康熙五十九年修，王必昌重修之「臺灣縣志」乾隆七年修，以及周元文、劉良璧、范咸等重修之「臺灣府志」周志修於康熙四十九年，劉志修於乾隆五年，范志修於乾隆十一年等，皆立有志篇，專事記錄。而以稍後余文儀之「續修臺灣府志」纂修於乾隆二十五年至二十七年間爲較詳備。據「余志」卷十七物產（二），列有鳥獸、蟲魚二篇。茲引錄於左：

鳥 獸

鷺、鵠、鸛、鵲、雉、鳥、燕、鳩即斑鳩也。與內地異；色青黑者曰斑鳩甲，項下赤色者曰火鳩。又有一種身綠，嘴足皆紅者，曰金鳩；惟淡水出。鷺、畫眉：與內地等；但眉無白者。鸛即八哥、鸛哥，布穀、鳧、鴈、海鷄母：黑色，腳綠，比鷄較大，宿海嶼中；故名。骨脆而味甚美。鴛鴦、翡翠：俗名釣魚翁，嘗宿水道，伺魚而食之。白鶻，長尾三娘：鶻之屬。色青，光彩

照人。一名練省。烏鶯：身黑、尾長，較小於鷹、鷂、鸞諸惡鳥。伯勞鳥、黃鶯、鷹、鷂、鸞、鵲、雀、白頭翁、海鷗：俗名南風鷗，又名布袋鷗；常於海濱獵魚。翎可爲箭羽。草

雀：似雀而小，紫色；唧唧善吟。置籠中，能自來去。白鳩：每當五更則鳴，或謂之知更鳥。

竹雞、鷄、鷓鴣

「通志」謂之鷓鴣。『爾雅』：「桃鷓，其雌鷓。」一名鷓鴣，一名巧婦。土音「出草」，聞其聲則走。

鬼車：俗名九頭鳥。彩囊以下六種，「舊志」未載，今補入，詳見「附考」

、五鳴鷄、雷舞、番華、鷓鴣、倒挂。

自內
地來

——以上羽之屬。

附考

長尾三娘：朱喙、翠翼、褐背，彩耀相間；尾長盈尺，臺人因而名之。生於諸羅深山中，罕有見者。

臺海采
風圖

白鳩：每當風雨，舞翅盤旋；霜衣雪襟，可爲近玩。或呼爲洋鷄，云自咬嚼吧來者。初開臺時，一雙不下

二十金；近飼養將雛者多，價不及十分之一。

使棲
錄

白鳩，能知氣候，每交一時，即連鳴數聲。

臺海
志略

綠鳩：紺嘴、碧毛，艷深鷓鴣。惟不善鳴，遜白鳩上。

海八哥：黑身、紅頂、綠足，一名田雞。

烏鶯：鶯鳥也；能搏擊羽族。尾長黑色，時集於田間牛背上。

使棲
錄

烏鶯：似八哥，而通體皆黑，喙如錐，尾長；飛最疾。鳴如高鶯，善作百鳥聲；夜則隨更遞喚。能搏鷹鷂

，遇諸惡鳥飛空中，則竄啄其胸脇；鷹鷂飛較遲，爪不能及，負痛飛鳴而去。宿處，惡鳥不敢近。

臺海
采風

圖

彩囊：似雞而小，頂上有五彩囊。

使棲
錄

五鳴雞：大如鷓鴣，頂白，角漏下一鼓，則一鳴上。

卷一土地志動物篇

第一章 緒論

臺灣省志

雷舞，名鳥，蒼赤色，聞雷則舞上。

白八哥：白畫眉，亦未見。或云：鹽水港統領埤加多樹大數圍，其上每年生白八哥；相近民伺其將雛，攫

而飼之。上同。

番葦：形似燕，背淡黑色，腹下色黃，尾長；飛則鳴，行則搖，類鶻鵒。諸羅縣志。

鶻鵒：俗呼食蛇鳥，狀似鶻略小而短尾，周身毛羽淡紅色。專食蛇虺，知探蛇穴，以嘴啄洞口令自出；或

口啣而飛空中，頭尾皆動。臺海采風圖。

倒掛鳥：似鶻鵒而小，翎羽鮮明，紅綠相間；緣枝循行。喙如鉤，足短爪長。性好倒掛，夜睡亦然。種出

東洋呂宋。上同。

牛：水牛自內地來，研蔗煮糖。黃牛近山多有，取而馴習之，用以耕田、駕車。馬從內地來。近亦有牝而生者。狗、猪、羊、猫、雞、鴨、香鴨：似鴨而大，毛有小采，嘴脚朱色。肉粗味減。來自外洋。番猪：毛黃色。

——以上畜之屬。

附考

臺灣多野牛，千百爲羣。欲取之，先置木坡四面，一面開門，驅之急，則皆入。入則扇閉而饑餓之，然後

徐施羈勒，蒙之獨豆；與家牛無異矣。臺海采風圖。

馬：小而力弱，異於內地；內山有山馬。上同。

水沙連：紅頭嶼出黃羊，有鬻其皮以爲褥者。上同。

香鴨：大如鴉，足微細；兩頰紅如雞冠，雄者色更赤。畜之常飛去。人每載入內地，然穆穆嗟嗟，無足充

玩。上同。

艾葉豹：臺產者，稍大於犬而無害於人。或名之曰獐虎。熊、麋、鹿、麝、麝即麝：似而大。兔、猴、山猪、獺、山羊：能陟峻，生深山中。皮堪作鞋，鼠、野豬：牙利如鎌。

——以上毛之屬。

附 考

臺山無虎，故鹿最繁。昔年近山皆爲土番鹿場，今則漢人墾種，極目良田，遂多於內山捕獵。角尾單弱，絕不似關東之濯濯；角百對，只可煎膠二十餘斤。鹿雖多，街市求一贖不得。冬春時，社番截成方塊，重可斤餘，皆用鹽漬；運致府治，色黑味變，不堪下箸，而值亦不輕。使梗。

鹿以角紀年，凡角一岐爲一年，猶馬之紀歲以齒也。番人世世射鹿爲生，未見七岐以上者。向謂鹿仙獸，多壽；又謂五百歲而白、千歲而元，特妄言耳。竹塹番射得小鹿，通體純白，角纔兩岐；要不過偶然毛色之異耳，書固未足盡信也。鹿生三歲始角；角生一歲解，猶人之毀齒也。解後再角，即終身不復解；每歲止增一岐耳。碑海紀遊。

牝鹿以四月乳，未乳極肥。腹中胎鹿，皮毛鮮澤，文彩可愛。又牝鹿既乳，視小鹿長，則避之他山，慮小鹿之淫也。獸之不亂倫者惟鹿與馬；牡馬誤烝則自死；牝鹿自遠以避之。同上。

熊之類不一：有猪熊、狗熊、馬熊、人熊之異，各肖其形。諸熊毛勁如鬚，又厚密，矢鏃不能入。蹄有利爪，能緣木升高，踰於樹巔；或穴地而處。人以計取之，無生致者。腹中多脂，可啖。掌爲八珍之一，膾炙人口；然不易熟。庖丁取其汁烹他物爲羹，助其鮮美；一掌可供數十烹。若爲屠門之嚼，貽笑知味矣。同上。

山猪：蓋野豕也。兩耳與尾略小，毛鬣蒼色稍別。大者如牛，巨牙出唇外，擊木可斷。力能拒虎；怒則以牙傷人，輒折臂穿腹。行疾如風，獵者不敢射。又有豪猪，別是一種；箭如蠟毛，行則有聲；雖能射人，不出尋丈外。同上。

卷一土地志動物篇 第一章 緒論

臺灣省志

福州東島，視澎湖爲近；內惟產鹿千百羣。島人捕得，取其腸胃連糞食之，以爲至美。其全體，則露之福州人。今所露鹿脯、鹿筋，皆東島物也。玉堂書記。

山鼠：土人捕獲，以蔗梗填腹，去毛炙黃，合猪肉煮食。使棲錄。

山猫：取其毛以束筆，微短而軟。鄉間亦有捕蟬，紙裹煨熟以下酒者。同上。

蟲 魚

蜂、蟻：盈几案間皆是。有赤色而極小者，爲高絲蟻；色黑而走疾者，爲走馬蟻，色白而生於濕處者，曰白蟻。凡衣服、器物近濕處，多爲所壞。蟬、蝴蝶、蝙蝠、蝦蟇、蟋蟀、蜘蛛、蜥蜴：似蛇，身扁，四足；長五、六寸。「說文」：『在草曰蜥蜴，在壁曰蜥蜴，守宮也』。臺之的蜥蜴能鳴，其聲嘎嘎；或謂過澎湖則不鳴。蜻蛉：至冬猶羣飛。螢、蚤、蠹斯、螳螂、螟蛉、螺贏、蠅虎、蜈蚣、蛇：臺產有數種，一名山辣，長六、七尺，專捕鼠；一名草花仔，長一、二尺，俱不傷人。一名龜殼花，背有文如龜紋。一名飯匙倩，頭扁如飯匙，見人頭昂二、三尺，惟尾貼地，噴鼻有聲。一名青竹絲，長一、二尺，色青如竹，故名。三者啣人，最毒。蜂虎：狀似燈蛾而大。水蛭。即蜉蝣也。內山最多。蠅、蚊、螞蟥：臺多藏樹中。「漳志」謂之蝟虫。煎食解毒最神。蛾、蠹、竈雞、蜚蠊、毛虫、蚯蚓、蜒蚰、蛙：土人帶皮食之。

——以上蟲之屬。

附 考

鰻箕甲，蛇之最毒者。大者數尺，身有橫紋，黑白相間；俗名手巾蛇。甲有毒汁，經行處，草木皆萎，牛馬不食。啣人，數十步立死。其骨必擗爛遠擲之，誤踐亦能刺足殺人。閩地多有。臺灣風圖。

魚
解即

解即

、虎魚：狀如虎頭，巨口、無鱗，長不盈尺。肉嫩而美。黃魚、魴魚：形圓如扇，無鱗，

色紫黑；口在腹中，尾長於身。有黃紅、燕紅；黃紅大而肉粗，燕紅小而肉潤、泥鰌俗謂之鰱魚、金

魚、門魚：狀如指，長二、三寸。有花文，紅綠相間；尾鮮紅，有黃點。善鬥。泉人呼爲丁斑。

。此與金魚祇供玩賞。麻虱目：魚塭中所產，夏、秋盛出。狀類鱗，鱗細；臺以爲貴品。鮎魚

：生海島泥塗中。其大如指，善跳，故名。俗名花鮑，以身有白花點也。獅刀：腹背如刀，故

名。多刺。鳥類

潤身

短

57

墨魚即烏鰂。常噴墨於波以衛身，大魚不得近。中有骨如小舟，名海鰾。鰾。

鎖管：身圓直如鎖管。首有小骨，插入管中如鎖鬚。味甘脆。鯊：有白沙、胡沙、雙髻沙。其

最佳者，皮上有黑白圈文，曰龍文沙；其翅尤美。沙梭：長五、六寸，狀如織梭。海翁

大能吞舟。黑如牛，背浮於水面，則大風將作。魴、鱣魚可醢作鮓、青鱗：色青，鱗厚；長五、六

寸。紅沙：皮紅如塗硃，鱗細。金鐘仔、花身

青，體圓而短。味極腥。鐵甲魚：鱗硬如甲；去其皮，方可食。遍身苦：身有花點。塗鰕：似

鰭而身短，多涎難握。塗虱：頭扁，身微圓，黑色，長五、六寸。產圳潭窟中。狗母魚：長

尺餘，有細刺。魚之粗劣者。獨魚：大者如掌，皮粗，晒乾，可磨木器。金錢：狀如花鈴，而

體薄多刺。花齡：斑點如花。鱧魚：溪澗中魚之最惡者。引子遊水，衆魚不敢犯。鱖魚、鮓

一名水母
一名石鏡

,

、鱣魚、章魚：卽韓昌黎所謂「章舉」。其身圓，其首八腳縮聚；當中有口，脚上有

窩如曰，歷歷成章。囊中有黑膏及黃膏。行則手足向下、身向上高舉而疾遊。產澎湖。蜆魚：

狀如烏鰂而大，肉亦厚；味甘美出澎湖。沙蠶：一名龍腸。生海泊泥塗中。形似蠶，中有沙，

故名。味甚鮮美，曬乾焙食最佳。鰮魚一名鰮魚：飼子飯：無細骨，可和飯以飼幼子。鰮哥魚：狀如

鯉而潤，色綠。嘴尖而勾曲，似鰮哥嘴，故名。產澎湖。龍尖：口尖而身豐，味甘而脆美。出

澎湖，多曬作乾。三牙魚：有赤、白二色。黃翅：狀似鳥類。肉細而味清。以其翅黃，故名。

下淡水有重一、二斤者。黃爵：身薄而小，多刺。「漳郡志」以為黃雀所化。新婦啼以下三十種，見「附考」

青箭、交網、牛牯缺、金梭、竹梭、飛鳥、咬網狗、海蠣、含西、刺圭楸、安米、旗魚、海和

尚、海狗、海龍、海馬、

——以上鱗之屬。

附考

附考

鰮類不一，龍文鰮、雙唇鰮，「志」言之矣。此外，有烏翅鰮，身圓，翅尾黑色。鋸仔鰮，齒長似鋸

。烏鰮，口闊，大者數百斤，能食人。虎鰮，頭斑如虎；齒迅利，噬人手足立斷。圓頭鰮，亦食人。鼠鰮

鰮，皮白，齒如梳。蛤婆鰮，口闊，尾尖。油鰮，身圓而長，尾似蝦尾。泥鰮鰮，口尖。青鰮，身青色。

扁鰮，身扁，尾小。乞食鰮，皮可飾刀鞘。狗鰮鰮，身長，尾尖。狗鰮，頭大，上有烏赤點；離水終日不

死赤鰮

鰮魚：胎生。市得一魚可四、五斤，用作午炊；庖人剖腹，一小魚從中躍出，更得五、六頭。投水中，皆

遊去利海

鰮：有鰮鰮，身圓有花點，大者三、四百斤；皮生沙石，尾長數尺，骨弱肉粗。黃鰮，身圓、黃色。泥鰮

，皮黑。掃帶鰮，尾如帚。烏燕鰮，頭、身、翅俱似燕，肉黑。四開鰮，頭似燕，肉赤。鬼角燕鰮，

頭有軟角。水沉鰮，淡紅色，身扁、頭尖上。

新婦啼：魚名。狀本鮮肥，熟則拳縮；意取「新婦未諳，恐被姑責」也。孫元衡有詩云：「泔魚未學易牙方，軟玉銷爲水碧漿；廚下却憐三日婦，羹湯難與小姑嘗」赤散集。

飛藉魚：疑是沙燕所化，兩翼尚存。漁人俟夜深時懸燈以待，乃結陣飛入。舟力不勝，滅燈以避。孫元衡有詩云：「入海微禽能變化，秋來巢燕已爲魚；飄飛應悔留雙翮，誤學燈蛾赴火漁」同上。

鸚哥魚：鳥嘴，紅色；週身皆綠。孫元衡有詩云：「朱施鳥嘴翠成襦，陸困樊籠水厄眾；信是知名無隸法，曾聞眞鳳有浮胡。」相傳眞鳳有魚，名爲浮胡；嘴似鸚鵡同上。

海翁魚：有言如小山，草木生之，樵者誤登其背，須臾轉徙，不知所之；此無可考。「志」云：「後埔番社有脊骨一節，高可五、六尺，兩人合抱，未滿其圍。漁人云：大者約三、四千斤，小者亦千餘斤，皮生沙石，刀箭不入。有自僵者，人從口中入，割取其油以代膏火。肉粗，不可食。口中噴涎，常自爲吞吐。有遺於海邊者，黑色、青黃色不等；或云即龍涎。番每取之以賈利，眞贗亦莫辨也」赤散集。

金精魚：花點細鱗。三牙魚，或赤、或白，有三齒。田鴿魚，體圓，兩鬚長。梳齒魚，黑色、花點，齒如梳；魚肚食之，立死赤散集談。

泥鰱魚：黑色、口闊；大者五、六十斤。珠鱸魚，黑色，身有紅白點。小鱸魚，黑色同上。

小波浪魚：青身小尾。歸秉魚，身扁、肉澁。赤海魚，紅色。創額魚，金鱗；頭內有石子一枚。鰕魚，口邊有兩大刺。牛尾魚，狀似牛尾。泥龍魚，身長，有暗刺。青箭魚，色青、口尖，行如箭。交網魚，色有黑、赤二種。牛牯魚，頭闊、皮青。金梭魚，金鱗，身軀。竹梭魚，口尖、身長。飛鳥魚，色青，有翅能飛。咬網狗，黑色，歪口無分左右。海蠟魚，頭大、皮黑。含西魚，身扁、色白。刺圭蠟魚，色黑、唇厚。安米魚，細鱗；有赤、有白同上。

旗魚：色黑；大者六、七百斤，小者百餘斤。背翅如旗。鼻頭一刺長二、三尺，極堅利；水面鰲魚如飛。船爲所刺，即不能脫；身一轉動，船立沉同上。